

東坡詩集

和陶詩樂府

世一廿二


231
27
39


館書圖京東			
二 七	三 六	別 架	詩 賦 類
冊	號	函	類

漢書門			
二 七	三 五	六 五	類
冊	架	函	號

庫文閣內		
三 二 函	六 六 冊	漢
架	二 七	類

內閣文庫	
番號	漢 6065
冊數	27(27)
函號	312 236





東坡先生詩集目錄卷之三十一

淺草文庫

和陶詩

追和陶淵和詩引

和時運四首

和勸農六首

和停雲四首

和歸田園居六首

五月旦日和戴主簿

酬劉柴桑

與殷晉安別

和王撫軍座送客

和答龐參軍

形贈影

影答形

神釋

怨詩楚調示龐鄧

九日閒居

和移居二首

東坡詩集

卷三十一

和陶詩

歲暮作和張常侍 和郭主簿二首

示周祖謝三郎 和答龐參軍六首

和連雨獨飲二首 和贈羊長史

和乞食 和胡西曹示顧賊曹

和游斜川與兒子過作 和巳酉歲九月九日

和始春懷古田舍二首 和飲酒二十首

和止酒 和還舊居夢歸惠州作

和始作參軍經曲阿 和庚戌九月酉田穫稻

和丙辰八月下湓田舍 和乙巳三月使經錢溪

和郊行步月還江陵作 和詠二疎

和詠三良 和詠荆軻

和讀山海經十三首 和雜詩十一首

和擬古九首 和東方有一士

和貧士七首 和桃花源詩

和劉柴桑 問淵明

歸去來集字十首 和歸去來兮辭

和陶詩

味歸去來令

味歸去來集字十首

問

味歸去來集字十首

味歸去來集字十首

味歸去來集字十首

味歸去來集字十首

味歸去來集字十首

味歸去來集字十首

味歸去來集字十首

味歸去來集字十首

東坡先生詩集卷三十一

和陶詩

追和陶淵明詩引子由作

東坡先生謫居僑耳寔家羅浮之下獨與幼子過
負擔度海葺茅竹而居之日嚼藜藿而華屋玉食
之念不存於胸中平生無所嗜好以圖史為園圃
文章為鼓吹至是亦皆罷去獨猶喜為詩精深華
妙不見老人衰憊之氣是時轍亦遷海康書來告
曰古之詩人有擬古之作矣未有追和古人者也
追和古人則始於吾吾於詩人無所甚好獨好淵

明之詩淵明作詩不多然其詩質而實綺穠而實
腴自曹劉鮑謝李杜諸人皆莫及也吾前後和其
詩凡一百有九篇至其得意自謂不甚愧淵明今
將集而併錄之以遺後之君子其爲我志之然吾
於淵明豈獨好其詩也哉如其爲人實有感焉淵
明臨終疏告儼等吾少而窮苦每以家弊東西遊
走桎剛亦拙與物多忤自量爲已必貽俗患龜勉
辭世使汝等幼而饑寒淵明此語蓋實錄也吾真
有此病而不早自知半生出仕以犯世患此所以
深愧淵明欲以晚節師範其萬一也嗟乎淵明不

肯爲五斗米一東帶見鄉里小兒而子瞻出仕三
十餘年爲獄吏所折困終不能後以陷太難乃欲
以桑榆之末景自托於淵明其誰肯信之雖然子
瞻之仕其出處進退猶可攷也後之君子其必有
以處之矣孔子曰述而不作信而好古竊比於我
老彭孟子曰曾子與子思同道區區之迹蓋未足
以論士也轍少而無師子瞻旣冠而學成先君命
轍師焉子瞻嘗稱轍詩有古人之風自以爲不若
也然自其斥居東坡其學日進沛然如川之方至
其詩比李太白杜甫美有餘遂與淵明比轍雖馳

驟從之而常出其後其和淵明轍繼之者亦一二
焉丁丑十二月海康城東齋張

和時運四首

丁丑二月十四日白鶴峯新居成自嘉祐寺遷入
詠淵明時運詩云斯晨斯夕言息其廬似為余發
也乃次其韻長子邁與余別三年矣挈攜諸孫萬
里遠至老朽憂患之餘不能無欣然

我卜我居居非一朝龜不吾欺食此江郊廢井已塞
喬木于霄昔人伊何誰其裔苗
下有碧潭可飲可濯江山千里供我遐矚木固無經

瓦豈有足陶匠自至嘯歌相樂

我視此邦如涖如沂邦人勸我老矣安歸自我幽獨
倚門或揮豈無親友雲散莫追

旦朝丁丁誰欵我廬子孫遠至笑語紛如翦髮垂髻
一作翦
絲垂髻覆此瓠壺三年一夢乃復見余

和勸農六首

海南多荒田俗以質香為業所產秬稌不足於食
乃以諸芋雜米作粥糜以取飽余既哀之乃和淵
明勸農詩以告其有知者

咨爾漢黎均是一民鄙夷不訓夫豈其真然忿劫質

尋文相因欺謾莫訴曲自我人
 天禍爾土不麥不稷民無用物怪珍是殖播厥薰木
 腐餘是穡貪夫汚吏鷹鷂狼食
 豈無良由膺膺平陸獸縱交締鳥喙諧穆驚麇朝射
 猛狝夜逐芋羹諸糜以飽耆宿
 聽我苦言其福永久利爾鋤耜好爾鄰偶斬艾蓬蒿
 南東其畝父兄摺梃以扶游手
 天不假易亦不汝價春無遺勤秋有厚異雲舉雨決
 婦姑畢至我良孝愛袒跣何愧
 逸諺戲侮博奕頑鄙投之生黎俾勿冠履霜降稻實

千箱一軌大作爾杜一醉醇美

和停雲四首

自立冬以來風雨無虛日海道斷絕不得子由詩
 乃和淵明停雲詩以寄
 停雲在空黯其將雨嗟我懷入道修且阻眷此區區
 俛仰再撫良辰過鳥逝不我佇
 颺作海渾天水溟濛雲屯九河雪立三江我不出門
 寤寐非窻念彼海康神馳往從
 凜然清癯落其驕榮餽莫化之廓兮忘情萬里遲子
 晨興宵征遠虎在側以寧先生

對奕未終摧然斧柯再遊蘭亭默數永和夢幻去來
誰少誰多彈指太息浮雲幾何

和歸田園居六首

三月四日游白水山佛迹巖沐浴于湯泉晞髮于
懸瀑之下浩歌而歸肩輿却行以與客言不覺至
水北荔枝浦上晚日葱曨竹陰蕭然時荔枝纍纍
如芡實矣有父老八十五指以告余曰及是可食
公能攜酒來游乎意忻然許之歸卧既覺聞兒予
過誦淵明歸田園居詩六首乃悉次其韻始余在
廣陵和淵明飲酒二十首今復為此要當相盪和此

詩乃已耳今書以寄妙總太士參寥子

環州多白水際海皆蒼山以彼無盡景寓我有限年
東家著孔丘西家著顏淵市為不二價農為不爭田
周公與管蔡恨不茅三間我飽一飯足薇蕨補食前
門生饋新米救我厨無煙斗酒與隻雞酣歌餞華顛
禽魚豈知道我適物自閑悠悠未必爾聊樂我所然
窮猿既投林疲馬初解鞅心空飽新得境熟夢餘想
江鷗漸馴集蜚叟已還往南池綠錢生北嶺紫笋長
提壺豈解飲好語時見廣春江有佳句我醉墮渺莽
新浴覺身輕新沐感髮稀風乎懸瀑下却行詠而歸

仰觀江搖山俯見月在衣步從父老語有約吾敢違
 老人八十餘不識城市娛造物偶遺漏同儕盡丘墟
 平生不渡江水北有幽居手插荔枝子合抱三百株
 莫言陳家紫甘冷恐不如君來坐樹下飽食攜其餘
 歸舍遊兒子懷抱不可虛有酒持飲我不問錢有無
 坐倚朱藤杖行歌紫芝曲不逢南山翁見此野老足
 願同荔枝社長作雞黍局教我同光塵月固不勝燭
 霜飈散氛祲廓然似朝旭莊子云月固不勝火郭象曰大而暗不若小而明
哉斯言也余為更之曰明於大者必晦於小月能燭天地而不能燭毫釐此其所以不勝火也然卒之火勝耶

昔我在廣陵張望柴桑陌長吟飲酒詩頗獲一笑適
 當時已放浪朝坐夕不知矧今長閒人一切展過隙
 江山互隱見出沒為我役斜川追淵明東臯友王績
 詩成竟何為六博本無益

五月旦日作和戴主簿

海南無冬夏安知歲將窮時時小搖落榮瘁俛仰中
 上天信包荒佳植無由豐鉏耨代肅殺有擇非霜風
 手栽蘭與菊侑我清宴終擷芳眼已明飲酒腹尚沖
 草去土自隕井深墻愈隆勿笑一畝園蟻垤齊衡嵩

酌劉柴桑

紅萼與紫萼，遠插墻四周。且放幽蘭春，莫爭霜菊秋。
窮冬出窰盎，磊落勝農疇。淇上白玉延，淇上出山藥一名玉延
能復過此不，一飽忘故山。不思馬少游。

與殷晉安別 和送昌化軍使張中罷官赴闕

孤生知永弃，未路嗟長勤。久安僖耳陋，日與雕題親。
洲國此奇士，官居我東鄰。卯酒無虛日，夜棋有達晨。
小囊多自釀，下瓢時見分。仍將對床夢，伴我五更春。
暫聚水上萍，忽散風中雲。恐無再見日，笑談來生因。
空吟清時送，不救歸裝貧。六君同八下
和玉撫軍座送客 再送張中

胸中有佳處，海濤不能排。三年無所愧，十日今同歸。
汝去莫相憐，我生本無依。相從太塊中，幾合幾分違。
莫作往來相，而生愛見悲。悠悠含山日，烟烟留清輝。
懸知冬夜長，不恨晨光遲。夢中無與別，作詩記忘遺。

和荅龐參軍 三送張中

留燈坐達曉，要與影晤言。下帷對古人，何暇復窺園。
使君本學武，少誦十三篇。頗能口擊賊，戈戟亦森然。
才智誰不如，功名嘆無緣。獨來向我說，憤懣當奚宣。
下見勝百聞，往塵羣蘭山。白衣挾三矢，趨此征遼年。

形贈影

天地有常運日月無閑時孰居無事中作止推行之
細察我與汝相因以成茲忽然乘物化豈與生滅期
夢時我方寂偃然無所思胡為有哀樂輒復隨漣而
我舞汝凌亂相應不少疑還將醉時語答我夢中辭

影荅形

丹青寫君容常恐画師拙我依月燈出相肖兩奇絕
妍媸本在君我豈相媚悅君知來上烟火盡君乃別
我如鏡中像鏡壞我不滅雖云附陰晴了不受寒熱
無心但因物萬變豈有竭醉醒皆夢爾未用議優劣

神釋或云此詩不盡謂三平非以對十日今同

二子本無我其初因物著豈惟老變衰念念不如故
知君非金石安足長託附莫從老君言亦莫用佛語
仙山與佛國終恐無是處甚欲隨陶翁移家酒中住
醉醒要有盡未易逃諸數平生逐兒戲處處餘作具
所至人聚觀指目生毀譽如今一弄火好惡都焚去
既無負載勞又無寇攘懼仲尼晚乃覺天下何思慮
怨詩楚調示麗主簿鄧治中

當歡有餘樂在戚亦頽然淵明得此理安處故有年
嗟我與先生所賦良奇偏人間少宜適惟有歸耘田
我昔墮軒冕臺釐真市廛困來臥重衲憂愧自不眠

如今破茅屋，丁冬或三遷。風雨睡不知，黃葉滿枕前。
寧當出怨句，慘慘如孤烟。但恨不早悟，猶推淵明賢。

九日閒居

明日重九雨，甚展轉不能寐。起坐索酒和淵明，
一篇醉熟昏然，殆不能佳也。九日獨何日，欣然愜平生。
四時靡不佳，樂此古所名。龍山憶孟子，栗里懷淵明。
鮮鮮霜菊艷，溜溜糟床聲。閒居知令節，樂事滿餘齡。
登高望雲海，醉覺三山傾。長歌振履商起舞，帶索榮
坂軻。識天意淹留見人情，但願飽秬稌。年年樂秋成。

和移居一首

余去歲三月自水東嘉祐寺遷居，今江樓迨卒，一
年多病，寡歡頗懷水東之樂也。得歸善野後隙地，
數畝，父老云古白鶴觀也。意欣然欲居之，乃和此
詩。

昔我初來時，水東有幽宅。晨與烏鵲朝，暮與牛羊夕。
誰令遷近市，日有造請役。歌呼雜閭巷，鼓角鳴枕席。
出門無所詣，樂事非夙昔。病瘦獨彌年，束薪誰與稅。
涸潭轉碕岸，我作江郊詩。今為一廛氓，此地乃得之。
葺為無邪齋，思我無所思。古觀察已久，白鶴歸何時。

我豈丁令威千歲復還茲江山朝福地古人不吾欺

歲暮作和張常侍

十二月二十五日酒盡取米欲釀米亦竭時吳遠游陸道士客於余因讀淵明歲暮和張常侍亦以無酒爲歎乃用其韻贈一子

我生有天祿玄膺流玉泉何事陶彭澤乏酒每形言
仙人與道士自養豈在繁但使荆棘除不憂梨棗愆
我年六十一類景薄西山歲暮似有得稍覺散亡還
有如千丈松常苦弱蔓纏養我歲寒枝會有解脫年
大盡初不知但覺饑鼠遷一子真我客不醉亦陶然

和郭主簿二首

清明日聞過誦書聲節閑美感念少時悵然追懷
先君官師之遺意且念淮德二幼孫無以自遣乃
和淵明一篇隨意所寓無復倫次也

今日復何日高槐布初陰良辰非虛名清和盈我襟
孺子卷書坐誦詩如鼓琴却念四十年玉顏如汝今
閑戶未嘗出出爲鄰里欽家世事的古百史手自斟
當年二老人喜我作此音淮德入我夢角羈未勝簪
孺子笑問我君何念之深

雀鷺含淳音竹萌抱靜節

此兩句先君少時誦我先君詩失其全首

詩肝肺為澄澈猶為鳴鶴想未作獲麟絕願因駢鯨
 李道此御風列丈夫貴出世功名豈人傑家書二萬
 卷獨取服食訣地行即空飛何必挾日月
 示周續之祖企謝景夷三郎時游城東
 聞有古學舍竊懷淵明欣攝衣造兩塾窺戶無一人
 邦風方祀夷廟貌猶殷因先生饌已缺弟子散莫臻
 忍飢坐談道嗟我亦晚聞永言百世祀未補平生勤
 今此復何國豈與陳蔡鄰永愧虞仲翹弦歌滄海濱
 和荅龐參軍六首
 周循州彥質在郡二年書問無虛日罷歸過惠為

余留半月既別和此詩送之

我見異人且得異書挾書從人何適不娛羅浮之趾
 卜我新居而非玄德二顧我廬
 旨酒荔蕉絕甘分珍雖云晚接數面自親海隅一笑
 豈云無入無酒酌我或乞其隣
 將行復止眷言孜孜苟有於中傾倒出之來奕千言
 祭焉陳詩觴行筆落了不容思
 非妙侍側兩髦了分歌舞壽我永為歡欣曲終悽然
 仰視浮雲此曲此聲何時復聞
 擊鼓其鏜船開艣鳴顧我而言雨泣載零子卿白首

當還西京遠東萬里亦歸管寧
感子至意託辭西風吾生一塵寓形空中願言謙亨
君子有終功名在子何異我躬

和連雨獨飲二首

吾謫海南盡賣酒器以供衣食獨有一荷葉盃
製美妙留以自娛乃和淵明連雨獨飲

平生我與爾舉意輒相然豈止磁石鍼雖各猶有間
此外子由出處同偏僊晚景最可惜分飛海南天
糾纏一作不吾欺寧此憂患先顧影一盃酒誰謂無
往還寄語海北人今日為何年醉裏有獨覺夢中無

雜言

阿堵不解醉誰歟此頽然誤入無功鄉掉臂嵇阮間
飲中八仙人與我俱得僊淵明豈知道醉語忽談天
偶見此物真遂趨天地先醉醒可還酒此覺無所還
清風洗徂暑連雨催豐年牀頭伯雅君此子可與言

和贈羊長史

得鄭會嘉靖老書欲於海船載書千餘卷見借因
讀淵明贈羊長史詩云愚生三季後慨然念黃虞
得知千載事上賴古人書次其韻以謝鄭君
我非皇甫謐門人如摯虞不特兩鴟酒肯借一車書

東坡詩集 卷三十一
欲令海外士觀經似鴻都經髮事文史俯仰六十踰
老馬不耐放長鳴思服輿故知根塵在未免病藥俱
念君千里足歷塊猶踟躕好學真伯業北肩可相如
此書久已熟救我今荒蕪顧慙桑榆迫豈厭詩酒娛
奏賦病未能草玄老更疎猶當距楊墨稍欲懲荆舒
和乞食
莊周昔貧粟猶欲春脫之魯公亦乞采炊煮尚不辭
淵明端乞食亦不避嗟來嗚呼天下士外生寄一杯
斗水何所直遠汲愁羨詩幸有餘薪米養此老不才
至味久不壞可爲子孫貽

和胡西曹示顧賊曹

長春如稚女飄搖倚輕颺卯酒暈玉頰紅綃卷生衣
低顏香自歛含睇意頗微寧當娣黃菊未肯嫩戎葵
誰言此弱質閱歲觀盛衰頽然疑薄怒沃盥未可揮
瘴雨吹蠻風凋零豈容遲老人不解飲短句餘清悲

游斜川和正月五日與兒子過出游作

謫居澹無事何異老且休雖過靖節年未失斜川游
春江淥未波人臥船自流我本無所適泚泚隨鳴鷗
中流遇汎洄捨舟步曾丘有口可與飲何必逢我儔
過子詩似翁我唱兒輒酬未知陶彭澤頗有此樂不

問點爾何如不與聖同憂爾翁何所笑不為由與求

和已酉歲九月九日

十月初吉菊始開乃與客作重九因次韻淵明已

酉歲九月九日下首胡廣飲菊潭水而壽然李固

傳贊云其視胡廣趙戒猶糞土也

今日我重九誰謂秋冬交黃花與我期草中實後凋

香餘白露乾色映青松高悵望南陽野古潭霏慶霄

伯始真糞土平生夏畦勞飲此亦何益內熱中自焦

持我萬家春一酌五柳陶夕英幸可撥繼此木蘭朝

和癸卯歲始春懷古田舍二首

僧人黎子雲兄弟居城東南躬農園之勞偶與軍

使張中同訪之居臨大池水木幽茂坐客欲為釀

錢作屋余亦欣然許之名其屋曰載酒堂用淵明

始春懷古田舍韻作二首

退居有成言垂老竟未踐何曾淵明歸屢作敬通免

休閒等一味妄想生愧覲淵明本用緬字聊取其同音字聊將自知

明稍積在家善城東兩黎子室邇人自遠呼我釣其

池人魚兩忘返使君亦命駕恨子林塘淺

葦茨破不補嗟子乃爾貧菜肥人亦瘦竈閑井常乾

我欲致薄少解衣勸坐人臨池作虛堂兩急產聲新

客來有美載果熟多幽欣丹荔破玉膚黃柑溢芳津
借我三畝地結茅爲子隣鵲舌儻可學化爲黎母足
和飲酒二十首

吾飲酒至少常以把杯爲樂往往頽然坐睡人見
其醉而吾中了然蓋莫能名其爲醉爲醒也在揚
州時飲酒過午輒罷客去解衣盤礴終日歡不足
而適有餘因和淵明飲酒二十首庶以髣髴其不
可名者示舍弟子由是無咎學士
我不如陶生世事纏綿之云何得一適亦有如生時
寸田無荆棘佳處正在茲縱心與事往所遇無復疑

偶得酒中趣空杯亦常持

二豪詆醉客氣湧胸中山灌然忽冰釋亦復在
一言
畜氣實其腹云當享長年少飲得徑醉此秘君勿傳
道喪士失已出語輒不情江左風流人醉中亦求名
淵明獨清真談笑得此生身如受風竹掩冉衆葉驚
俯仰各有態得酒詩自成

蠶蠕食葉蟲仰空慕高飛一朝傳兩翅乃得粘網悲
啁啾厭巢雀沮澤疑可依赴水生兩殼遭閉何時歸
二蟲竟誰是一笑百念衰幸此未化間有酒君莫棄
小舟真一葉下有晴浪喧夜棹醉中發不知枕几偏

東坡詩集 卷三十一
天明問前路已度千金山，嗟我亦何爲此道常往還。
未求寧早計，既往復何言。
百年六十化，念念竟非是。是身如虛空，誰受譽與毀。
得酒未舉杯，喪我固忘爾。倒牀自甘寢，不擇管與綺。
頃者大雪年，海派翻玉英。有士常痛飲，饑寒見真情。
牀頭有敗楹，孤坐時一傾。未能平體粟，且復澆腸鳴。
脫衣裹凍酒，每醉念此生。
我坐華堂上，不改麋鹿姿。時來蜀岡頭，喜見霜松枝。
心知百尺底，已結千歲奇。煌煌凌霄花，纏繞復何爲。
舉觴酌其根，無事莫相羈。

芙蓉在秋水，時節已闌開。清風亦何意，入我芝蘭懷。
一隨採折去，永與江湖乖。斷絲不復續，斗水何足栖。
不如玉井蓮，結根天池泥。感此每自慰，吾事幸不諧。
酒中有歸路，了了初不迷。乘流且復逝，抵曲吾當迴。
籃輿不醉守，路轉古城隅。酒力如過雨，清風消半途。
前山正可數，後騎且勿驅。我緣在東南，往寄白髮餘。
遙知萬松嶺，下有二三畝居。

民勞更無德，歲美天有道。暑雨避麥秋，溫風送蠶老。
三咽初有聞，一溉未濡槁。詔書寬積欠，父老顏色好。
再拜賀吾君，獲此不貪寶。頽然笑阮籍，醉兀書謝表。

東坡詩集 卷三十一
我夢入小學自謂總角時不記有白髮猶誦論語辭
人間本兒戲顛倒畧似茲惟有醉時真空洞了無疑
墜軍終無傷莊叟不吾欺呼兒具紙筆醉語輒錄之
醉中雖可樂猶是生滅境云何得此身不醉亦不醒
癡如景升牛莫保尻與頰點如東郭魏東縛作毛穎
乃知嵇叔夜非坐虎文炳
我家小馮君天性頗純至清坐不飲酒而能容我醉
歸休要相依謝病當以次豈知山林士駸躓乃爾貴
乞身當念早過是恐少味
去鄉三十年風雨荒舊宅惟存一束書寄食無定迹

每用愧淵明尚取禾三百頎然六男子粗可傳清白
於吾豈不多何事復歎惜
嗟嗟六男子絃誦各一經復生五丈夫戢戢下欲成
歸田了門戶與國克踐更普兒初學語玉骨開天庭
淮老如鶴雛破殼已能鳴舉酒屬千里一歡愧凡情
淮海雖故楚無復輕揚風齋厨聖賢雜無事時一中
誰言大道遠正賴三杯通使君不夕坐衙門散刀弓
何人築東臺一郡坐可得亭亭古浮圖獨立表衆惑
蕪城閱興廢雷塘幾開塞明年起華堂置酒弔千古
無令竹西路歌吹久寂默

晁子天麒麟結交及未仕高才固難及雅志或類已
各懷伯業能共有丘明耻歌呼時就君指我醉鄉
吳國門下客賈誼獨見紀請作鵬鳥賦我亦得坎止
行樂當及時綠髮不可持
蓋公偶談道齊相獨適真頽然不事事客至先飲醇
當時劉項罷四海創痍新三杯洗戰國一斗銷疆秦
寂寥千載後陽公嗣前塵醉臥客懷中言笑徒多勤
我時閱舊史獨與三人親未暇餐脫粟苦心學平津
草書亦何用醉墨淋衣巾一揮三十幅持去聽坐人

和止酒

止酒

丑歲余謫海南子由亦貶雷州五月十一日相
遇於藤同行至雷六月十一日相別渡海余時病
痔呻吟子由亦終夕不寐因誦淵明詩勸余止酒
乃和元韻因以贈別庶幾真止矣

時來與物逝路窮非我止與子意行同落百蠻裏
蕭然兩別駕各攜一稚子子室有孟光我室惟法喜
相逢山谷間一月同臥起茫茫海南北粗亦足生理
勸我師淵明力薄且爲已微疴坐杯自止酒則瘳矣
望道雖未濟隱約見津涘從今東坡室不立杜康祀
還舊居和夢歸惠州白鶴山居作

痿人常念起夫我豈忘歸不敢夢故山恐與墳墓悲
 生世本暫寓此身念念非驚城亦何有偶拾鶴毳遺
 窮魚守故沼聚沫猶相依大兒當門戶時節供丁推
 夢與鄰翁言憫默憐我衰往來付造物未用相招麾
 和始作鎮軍叅軍經由阿
 虞人非其招欲往畏簡書穆生責醴酒先見我不如
 江左古弱國強臣擅天衢淵明墮詩酒遂與功名疎
 我生值良時朱金義當紆天命適如此幸收廢棄餘
 獨有愧此翁太名難久居不思犧牛龜兼取熊掌魚
 北郊有大資南冠解囚拘眷言羅浮下白鶴返故廬

和庚戌歲九月中於西田穫早稻

蓬頭二獠奴誰誰愿且端晨興洒掃罷飽食不自
 願治此圃畦少資主游觀晝功不自覺夜氣乃潛還
 早韭欲爭春晚松先破寒人間無正味美好出艱難
 早知農圃樂豈有非意干尚恨不持鋤未免駢我顏
 此心苟未降何適不間關休去復歇去菜食何所歎
 和丙辰歲八月中於下溟田舍獲

聚糞西垣下鑿泉東垣隈勞辱何時休宴安不可懷
 天公豈相喜雨霽與意諧黃菘養土羔老楮主樹雞
 未忍便烹煮繞觀日百迴跨海得遠信冰盤鳴玉哀

茵陳點膾縷照坐如花開
與螢曳醉蒼顏兩摧頽
齒根日浮動自與梁肉垂
食菜豈不足一作呼兒折
雞栖一作

和乙巳歲三月為建威叅軍使都經錢溪

喬木卷蒼藤浩浩崩雲積
謝家堂前燕對語悲宿昔
仰看枕椰樹玄鶴舞長翮
新年結荔子主人黃壤隔
溪陰宜館我稍省薪木役
相如賣車騎五畝亦可易
但恐鵬鳥來此生還蕩析
誰能插籬槿護此殘竹栢

和遊城北謝氏園作

辛丑七月赴假還江陵夜行途中作口號和郊行步

缺月不蚤出長林踏青冥
犬吠主人怒愧此間里情
怪我夜不歸西袂窺紫荆
雲間與地上待我兩友生
驚鵲再二起樹端已微明
白露爭原野始覺丘陵平
暗蛩方夜績孤螢亦宵征
歸來閉戶坐寸田且默耕
莫赴花月期免為詩酒榮
詩人如布穀聒聒常自名

和詠二疎

二疎事漢時迹寓心已去
許侯何足道寧識此高趣
可憐魏丞相免冠謝陋舉
中興多名臣有道獨兩傳
世途方轂擊誰肯行此路
是身如委蛻未蛻何所顧

已蛻則兩忘身後誰毀譽所以遺子孫買田豈先務
我常游東海所歷若有素神交久從君屢夢今乃悟
淵明作詩意妙想非俗慮庶幾二大夫見微而知著

和詠三良

此生太山重忽作鴻毛遺三子歎一言所死良已微
賢哉晏平仲事君不以私我豈大馬哉從君求蓋惟
殺身故有道大節要不虧君爲社稷歿我則同其歸
故命有治亂臣子得從違魏顛真孝愛三良安足希
仕宦豈不榮有時纏憂悲所以靖節翁服此黔婁衣

和詠荆軻

秦如馬後牛呂氏非復嬴天欲厚其毒假手李客卿
功成志自滿積惡如陵京滅身會有時徐觀可安行
沙丘一狼狽笑落冠與纓太子不少忍顧非萬人英
魏韓裂智伯肘足本無聲胡爲弃成謀託國此狂生
荆軻不足說田子老可驚燕趙多奇士惜哉亦虛名
殺父囚其母此豈容天庭亡秦只三戶況我數十城
漸離雖不傷陞戟加周營至今天下人愍燕欲其成
廢書一太息可見千古情

和讀山海經十三首

陶淵明讀山海經十三首其七首皆仙語余讀抱

朴子有所感用其韻賦之
 今日天始霜衆木斂以疎幽人掩窓臥明景翻空廬
 開心無良友寓眼得奇書建德有遺民道遠我無車
 無糧食自足豈謂穀與蔬愧此稚川翁千載與我俱
 畫我與淵明可作三士圖學道雖恨晚賦詩豈不如
 稚川雖獨善愛物均孔顏欲使螻蛄流知有龜鶴年
 辛勤破封執苦語劇移山博哉無窮利千載食此言
 淵明雖中壽雅志仍丹丘遠矣無懷民超然邈無儔
 奇文出續息豈復生歿流我欲作九原異世爲三游
 子政信奇逸妙算窮陰陽淮仙枕中訣養鍊歲月長

豈伊臭濁中爭此頃刻光安知青黎火丈人非中黃
 亂離奔弱女破家割恩憐寧知効龜息三歲號窮山
 長生定可學當信仲弓言支牀竟不歿抱一無窮年
 三山在咫尺靈藥非草木玄芝生太元黃精出長谷
 仙都浩如海豈不供一浴何當從山火束縕分寸燭
 蜀士李八百穴居吳山陰默坐但形語從者紛如林
 其後有李寬雞鶻非同音口耳固多偽識真要在心
 黃華育甘谷靈根固深長廖井窖丹砂紅泉湧尋常
 二女戲口耳鼻作松膏以爲糧聞此不能寐起坐夜
 未央談道鄙俗儒遠自太史走仲尼實不歿死於聖亦

東坡詩集 卷三十一
何負紫文出吳宮丹雀本無有遼哉廣桑君獨顯三
李後
金丹不可成安期渺雲海誰謂黃門妻至道乃近在
支解竟不傳化去空餘悔金成亦安用御氣本無待
鄭君故多方玄翁所親指奇文二百篇了未出生死
素書在黃石豈敢辭跪履萬法等成壞金丹差可恃
古強本妄庸蔡誕亦夸士曼都斥仙人謁帝輕舉止
學道未看得自欺誰不爾稚川亦隘人疏錄此庸子
東坡信畸人涉世真散材仇池有歸路羅浮豈徒來
錢蛇及茹蠱心空了無猜攜手葛與陶歸哉復歸哉

和雜詩十一首

斜日照孤隙始知空有塵微風動衆竅誰信我忘身
一笑問兒子與汝定何親從我來南海幽絕無四鄰
耿耿如缺月獨與長庚晨此道固應爾不當怨尤人
故山不可到飛夢隔五嶺真游有黃庭閉目寓兩景
叶室室無可照火滅膏自冷披衣起視夜海濶河漢
永西窻半明月散亂梧楸影良辰不可繫逝水無留
騁我苗期後枯持此一念靜
真人有妙觀俗子多妄量區區勸粒食此豈知子
我非徒跣相終老懷未央死縛淮陰狗功指平陽

哀哉亦可嗟，世路皆羊腸。
 相如偶一官，唾詞蜀父老。不記犢鼻時，滌器混傭保。
 著書曾幾許，渴肺灰土燥。琴臺有遺魄，笑我歸不早。
 作書遺故人，皎皎我懷抱。餘生幸無愧，可與君平道。
 孟德黠老狐，姦言嗾鴻豫。哀哉喪亂世，梟鸞各騰翥。
 逝者知幾人，文舉獨不去。天方斷漢室，豈計一郗慮。
 昆蟲正相齧，乃比蘭相如。我知公所坐，太各難久住。
 細德方險微，豈有容公處。既往不可悔，庶為來者懼。
 博大古真人，老聃關尹喜。獨立萬物表，長生乃餘事。
 稚川差可近，儻有接物意。我頃登羅浮，物色恐相值。

徘徊朱明洞，沙水自清駛。滿把菖蒲根，歎息復棄置。
 藍橋近得道，常苦古世福。迫西游王屋，山不踐長安。陌
 爾來寧復見，鳥道度太白。昔與吳遠游，同藏一瓢窄。
 潮陽隔雲海，晚歲儻見客。代薪供養火，看作栖鳳宅。
 南榮晚聞道，未肯化庚桑。陶頑鑄強犢，枉費塵與糠。
 越子古成之，韓生教休糧。參同得靈鑰，九鎖啓伯陽。
 鷺城見諸孫，貧苦我為傷。空餘焦先室，不傳元化方。
 遺像似李白，一奠臨江觴。
 餘齡難把玩，妙解寄筆端。常恐抱永歎，不及丘明還。
 親友復勸我，放心餞華顛。虛名非我有，至味知誰餐。

思我無所慰安能觀諸緣已矣復何歎舊說易兩篇
 申韓本自聖陋古不復稽巨君縱獨欲借經作巖崖
 遂令青衿子珠壁人人懷鑿齒并蛙耳信謂天可彌
 大道久分裂破碎日愈離我如終不言誰悟角與羈
 吾琴豈得已昭氏有成虧
 我昔登胸山出日觀滄涼欲濟東海縣恨無石橋梁
 今茲黎母國何異于公鄉蠓浦既黏山暑路亦飛霜
 所欣非自罔不怨道里長

和擬古九首

有客叩我門擊蕉門前柳庭空鳥雀散門閉客立久

主人枕書臥夢我平生友忽聞剝啄聲驚散一杯酒
 倒裳起謝客夢覺兩愧負坐談雜今古不答顏愈厚
 問我何處來我來無何有

酒盡君可起我歌已三終由來竹林人不數清與我
 有酒從孟公慎勿從楊雄崎嶇頌沙麓塵埃汗西風
 昔我未嘗達今者亦安窮窮達不到處我在阿堵中
 客去室幽幽鵬鳥來坐隅引吭伸兩翮太息意不舒
 吾生如寄耳何者為我廬去此復何之少安與汝居
 夜中聞長嘯月露荒榛蕪無間亦無答吉凶兩何如
 少年好遠遊蕩志隘八荒九夷為藩籬四海環我堂

廬生與若士何足期杳茫稍喜海南州自古無戰場
可峯望黎母何異嵩與印飛泉瀉萬仞舞鶴雙低昂
分汜未入海膏澤彌此方羊魁儻可飽無肉亦奚傷
馮洗古烈婦翁媪國于茲策勳梁武後開府隋文時
三世更險易一心無磷緇錦傘平積亂犀渠破餘疑
廟貌空復存碑板漫無辭我欲作銘誌慰此父老思
遺民不可問樓句莫余欺犧牲菌雞卜我當一訪之
銅鼓虛盧笙歌此迎送詩

沉香作庭燎甲煎紛相和豈若注微火紫煙嫋清歌
貪人無饑飽胡椒亦求多朱劉兩狂子隕隊如風花

本欲竭澤漁奈此明年何

朱初平劉誼欲冠世
熱人以取水流耳

雞巢養鶴髮及與唐人游來孫亦垂白頗識李崖州
再逢盧與下閱世真東流斯人今在亡未遽掩丁丘
我師吳季子守節到晚周一見春秋末渺焉不可求
城南有荒池瑣細誰復採幽姿小芙蓉香色獨未改
欲爲中州信浩蕩絕雲海遙知玉井蓮落葉不相待
攀躋及少壯已矣一作那容悔

黎山有幽子形槁神獨完負薪入城市笑我儒衣冠
生不聞詩書豈知有孔顏翛然獨往來榮辱未易關
日暮鳥獸散家在孤雲端問答了不通歎息拈屢彈

似言君貴公草莽栖龍鸞遺我吉貝布海風今感寒
 和東方有一士正淵明也不知從之游者誰
 餅居本近危甌墜知不完夢求亡楚寺笑解適越冠
 忽然反自照識我本來顏歸路在脚底殺潼失重關
 屢從淵明遊雲山出毫端借君無弦物寓我非指彈
 豈惟舞獨鶴便可躡飛鸞還將嶺茅瘴一洗月闕寒
 此東方一士正淵明也不知從之游者誰
 乎若了得此一段我即淵明淵明即我也
 和貧士七首貧士詩七首以寄許下高安宜與諸子姪
 余遷惠州二年衣食漸窘重九將近樽俎蕭然乃
 和淵明貧士詩七首以寄許下高安宜與諸子姪

并令過同作首末自注云

長庚與殘月耿耿如相依以我旦暮心惜此須臾暉
 青天無今古誰知織烏飛我欲作九原獨與淵明歸
 俗子不自悼顧憂斯人飢堂堂誰有此千駟良可悲
 夷齊耻周粟高歌誦虞軒產祿彼何人能致綺與園
 古來避世士死灰或餘煙末路益可羞朱墨手自研
 淵明初亦仕絃歌本誠言不樂乃徑歸視世差獨賢
 誰謂淵明貧尚有一素琴心閑手自適寄此無窮音
 佳辰愛重九芳菊起自尋疎巾歎虛漉塵爵笑空斟
 忽餉二萬錢顏生良足欽思送酒家保勿違故人心

人皆有耳目夫子曠與婁弱毫寫萬象水鏡無停貯
 間居惜重九感此歲月周端如北北海只有尊空憂
 二半不並世高風兩無儔我後五百年清夢未易求
 芙蓉雜金菊枝葉長闌干遙憐退朝人饒酒出太官
 豈知江海上落英亦可餐典衣作重陽徂歲慘將寒
 無衣粟寒作我膚無酒顰我顏貧居真可歎二事長
 相關小日對陶公人相室三年更其日且且其
 老澹亦白髮惠州太守澹相對垂霜蓬賦詩殊有味
 涉世非所工杖藜山谷間狀類渤海龔半道要我飲
 意與王弘同有酒我自至不須遣龐通門生與兒子

桃源論

杖履聊相從公言大無所入不長
 我家六兒子流落三四州辛苦更不識今與農圃傳
 買田帶脩竹築室依清流未能遣一力分汝薪水憂
 坐念北歸日此勞未易酬我獨遺以安鹿門有前脩
 和桃花源詩

世傳桃源事多過其實攷淵明所記止言先世避
 秦亂來此則漁人所見似是其子孫非秦人不亦从
 者也又云殺雞作食豈有仙而殺者乎舊說南陽
 有菊水水甘而芳民居三十餘家飲其水皆壽或
 至百二三十歲蜀青城山老人村有見五世孫者

道極險遠生不識鹽醢而溪中多枸杞根如龍蛇
 飲其水故壽近歲道稍通漸能致五味而壽亦益
 衰桃源蓋此比也歟使武陵太守得而至焉則已
 化為爭奪之場久矣嘗意天壤之間若此者甚眾
 不獨桃源余在穎州夢至一官府人物與俗間無
 異而山川清遠有足樂者顧視堂上楮曰仇池覺
 而念之仇池武都氏故地楊難當所保余何為居
 之明白以問客客有趙令時德麟者曰公何為問
 此此乃福地小有洞天附庸也杜子美蓋云萬
 古仇池穴潛通小有天神魚人不見福地語真傳

近接西南境長懷十九泉何時一茅屋送老白雲
 邊他日工部侍郎王欽臣仲至謂余曰吾嘗奉使
 過仇池有九十九泉萬山環之可以避世如桃源
 也
 凡聖無異居清濁共此世心間偶自見念起忽已逝
 欲知真一處要使不用廢桃源信不遠藜杖可小憩
 躬耕任地力絕學抱天藝臂雞有時鳴虎駕無可稅
 苓龜亦晨吸杞狗或夜吠耘樵得甘芳齧齧謝炮製
 子驥雖形隔淵明已心請高山不難越淺水何足厲
 不知我仇池高舉復幾歲從來一生死近又等癡慧

東坡詩集
蒲澗安期境在廣羅浮稚川界夢往從之遊神交發
吾蔽桃花滿庭下流水在戶外却笑逃秦人有畏非
真契公詩和劉柴桑此天萬劫互起滅百年一脚踏漂流四十年今乃言卜居
且喜天壤間一席亦吾廬稍理蘭桂藜盡平狐兔嗟
黃櫨出舊枿紫茗抽新畝我本早衰人不謂老更劬
邦君助畚鍤鄰里通有無竹屋從低深山窻自明竦
一飽便終日高眠忘百須自笑四壁空無妻老相如

問淵明

子知神非形何異復人天豈惟三才中所在靡不然
我引而高之則爲日星懸我散而卑之寧非山與川
三皇雖云沒至今在我前八百要有終彭祖非永年
皇皇謀一醉發此露糧妍有酒醉不離無酒斯飲泉
立善求我譽飢人食饒延委運憂傷生運去生亦遷
縱浪大化中正爲化所纏應盡便須盡寧復俟此言

歸去來集字十首并序

予喜淵明歸去來詞因集字爲十詩

命駕欲何向欣欣春木榮世人無往復鄉老有將迎
雲內流泉遠風前飛鳥輕相攜就衡宇酌酒話交情

東坡詩集 卷三十一
涉世恨形役，告休成老夫。良欣就歸路，不復向迷途。
去去徑猶菊，行行田欲無。情親有還往，清酒引樽壺。
與世不相入，膝琴聊盡歡。風光歸笑傲，雲物寄游觀。
言語審無倦，心懷良獨安。東臯清有趣，植杖日盤桓。
雲岫不知遠，巾車行復前。僕夫尋老木，童子引清泉。
矯首獨傲世，委心懷樂天。農人告春事，扶老向良田。
世事非吾事，駕言鄉路尋。向時迷有命，今日悟無心。
亭內菊歸酒，窻前風入琴。萬形知已老，猶未倦登臨。
富貴良非願，鄉關歸去休。攜琴已尋壑，載酒復經丘。
翳翳景將入，涓涓泉欲流。老農人不樂，我獨與之遊。

觴酒命僮僕，言歸無復留。輕車尋絕壑，孤棹入清流。
乘化亦安命，息交還絕遊。琴書樂三迳，老矣亦何求。
歸去復歸去，帝鄉安可期。鳥還知已倦，雲出欲何之。
入室常攜刃，臨流亦賦詩。春風吹獨斷，不是傲親知。
役役倦人事，來歸車載奔。征夫問前路，稚子候衡門。
入室亦詩策，少遊常酒樽。交親書已絕，雲壑自相存。
寄傲知今是，求勞定昨非。聊欣樽有酒，不恨室無衣。
丘壑世情遠，田園生事微。庭柯還獨野，時有鳥歸飛。
和歸去來今辭
予瞻謫居昌化，追和淵明歸去來辭，蓋以無何有。

之鄉爲家雖在海外未嘗不歸云爾
歸去來兮吾方南遷安得歸臥江海之瀕洞吊鼓角
之悽悲迹泥蟠而愈深時電往而莫追懷西南之歸
路夢良是而覺非悟此生之何常猶寒暑之異衣豈
襲裘而念葛蓋得狷而喪微我歸甚易匪馳匪奔俯
仰還家下馬闔門藩垣雖闕堂室故存挹我天醴注
之窪樽飲月露以洗心餐朝霞而眩顏混客主以爲
一俾婦姑之相安知盜竊之何有乃接門而折關廓
圓鏡以外照納萬象而中觀治廢井以長汲滄百泉
之夜還守靜極以自作時爵躍而覩植歸去來兮請

終老於斯游我先人之弊廬復舍此而焉求均海南
與漠北挈往來而無憂疇人告余以一言非八卦與
九疇方飢須糧已濟無舟忽人牛之皆喪但喬木與
高丘驚不用之無成自十根之反流望故家而求息
曷中道而三休已矣乎吾生有命歸有時我初無行
亦無留駕言隨子聽所之豈以師南華而察從安期
謂易稼之終枯遂不漑而不耕師淵明之雅放和百
篇之新詩賦歸來之清引我其後身蓋無疑

醉翁操

魏來民

黃州又稿

曹彩

太白補正首

土音

依譜文

蕪湖二首

蘇軾八行

蘇軾八

四知篇四首

古

任凱來

任凱來

竹枝歌

土音

樂府

東坡先生詩集目錄卷之三十二 終

東坡先生詩集卷之三十二

樂府

竹枝歌

并序 忠州作

竹枝歌本楚聲幽然惻怛若有所深悲者豈亦往昔之所見有足怨者歟夫傷二妃而哀屈原思懷王而憐項羽此亦楚人之意相傳而然者且其山川風俗鄙野勤苦之態固已見於前人之作與子由之詩故特緣楚人疇昔之意為一篇九章以補其所未道者

蒼梧山高湘水深中原北望度千岑帝子南遊飄不

返唯有蒼蒼楓桂林楓葉蕭蕭桂葉碧萬里遠來超
 莫及乘龍上天去無踪草木無情空寄泣水濱擊鼓
 何喧闐相將叩水求屈原屈原死已今千載滿船哀
 唱似當年海濱長鯨徑千丈食入為糧安可入招君
 不歸海水深魚豈解哀忠直吁嗟忠直死無人可
 惜懷主西入秦續秦昭王遣楚懷王書願與君王會武關懷王至則閉武關遂與西至咸陽懷王大悔亡歸不得送秦關已閉無歸日章華不發病卒于秦楚以憐之
 復見直輪君主去時簫鼓咽父老送君車軸折續漢景帝
 微臨江王榮既上車車軸折臨江父老流涕曰吾王不返矣千里逃歸迷故鄉南
 公哀痛彈長鈇三戶亡秦信不虛續南公有言楚雖三戶亡秦必楚

一朝兵起盡歡呼當時項羽年最少提劍本是耕田
 夫橫行天下竟何事棄馬烏江馬垂涕項王已死無
 故人首入漢庭身委地續項羽自立為西楚伯王及敗至烏江以所乘馬與烏江亭長漢騎圍之乃自刎取其頭餘四人各分其一體富貴榮華豈足多至今
 猶有塚嗟峨故國淒涼人事改楚鄉千古為悲歌

上堵吟子仁水經注堵陽縣有堵水傍有白馬塞孟達為新城守登之而歎曰劉封申耽據卒城千里而更失之遂為上堵吟音韻哀切有惻入心今水次尚歌之堵水蓋入河者也

臺上有客吟秋風悲聲蕭散飄入空臺邊遊女來竊
 聽欲學聲同意不同君悲竟何事千里金城兩稗子

白馬為塞鳳為關山川無人空且閒我悲亦何苦江
水冬更深鱖魚冷難捕子仁鱖魚襄陽所出悠悠
江上聽歌人不知我意徒悲辛子仁

野鷹來子仁水經注河水南有層臺號曰日景升
臺蓋荆州牧劉表所築表好鷹嘗登此

臺歌野鷹來曲其聲
似孟達上堵吟云

野鷹來萬山下荒山無食鷹苦飢飛來為爾繫綵絲
其原有兔老且白年年養子秋食菽我欲擊之不可
得年深兔老鷹力弱野鷹來城中有臺高崔巍臺中
公子著皮袖東望萬里心悠悠哉心悠悠鷹何在嗟爾
公子歸無勞使鷹可呼亦凡曹天陰月黑狐夜噪

襄陽樂子仁南史劉道產為襄陽太守善於臨
職蠻夷服順百姓樂業由此有襄陽樂

歌自道一
產始

使君未來襄陽愁提戈入市裏瓊裘自從瓊裘南渡
沔襄陽無事多春遊襄陽春遊樂何許峴山之陽漢
江浦使君朱旆來翻翻人道使君似羊杜子仁羊杜
杜預昔鎮

襄陽有
德政

道邊逢入問洛陽中原苦戰春田荒北人聞道襄陽
樂日送征鴻應斷腸

四時詞

春雲陰陰雪欲落東風吹冷驚羅幕漸看遠水綠生

倚未放小桃紅入萼

子仁選詩山佳人瘦盡雪膚肌

子仁莊子藐姑射之神人眉斂春愁知為誰

子仁李深院無火剪刀響應將白

紵作春衣 子仁柳子厚詩

垂柳陰陰日初永蔗漿酪粉金盤冷

子仁宋玉招魂

簾額低垂紫鷺忙密脾已滿黃蜂靜

次公李商隱

高樓睡起翠眉顰枕破斜紅未肯勻

子仁小玉腕半揜雲碧袖樓前知有斷腸人

說載詩

新愁舊恨眉生綠粉汗餘香在斲竹

次公斲象林素

手熨寒衣

次公通鑑孟嘗君受象林

風燈動華屋夜香燒罷掩重扇香露空濛月滿庭抱

琴轉軸無人見門外空聞裂帛聲

續樂天琵琶行云

霜葉蕭蕭鳴屋角黃昏斗覺羅裳薄夜風搖動鎮帷

犀 厚杜牧杜秋娘詩虎睛酒醒夢回聞雪落起來呵

手畫雙鵝 次公杜逸詩且東風騎醉臉輕勻觀眼

霞真態生香誰畫得玉奴纖手嗅梅花

續玉奴齊廢

潘氏

古纏頭曲

東坡詩集 卷五 樂府 四

鷓鴣絃鐵撥世無有續唐開元中賀懷智善琵琶以石為槽鷓鴣絃作絃用鐵撥彈之

樂府舊工性尚叟一生隊硬眼無入坐此困窮今自

首翠鬟女子年十七指法已似呼韓婦驚帆渡海風

掣迥滿面塵沙和淚垢青衫不逢溢浦客援白樂夫言送客溢浦日聞舟中夜彈琵琶問其人本長安倡女年長色衰嫁為商人婦樂夫為作琵琶行末云就中泣下誰

最多江州司馬青衫濕

紅袖謾插曹綱手續琵琶錄曹綱運撥如風雨裴與奴長左推撥入謂綱有右手奴有

左手樂夫詩誰能截得曹綱手插向重蓮衣袖中爾來一見哀駘佗厚莊子衛有惡

人為入妻寧為夫子妾者數十而未止也便著臂鞞躬

井白次公史記滑稽傳淳于棼云若親有嚴客髭希鞞鞞臆侍酒於前注鞞臂捍也又東方朔傳鞞

君緣憤傳鞞注云鞞卽今臂鞞也續馬術妻任氏得妬不畜妾媵常自操井白厚傳育食祿數十年秩奉盡贍給知友妻子不免操井白我慙貧病百不足強對黃花飲白

酒轉關渡索動有神亮卿樂譜琵琶曲有轉關六么渡索梁州皆其名也雷鞞

空堂戰臆慵續唐僧善本彈綠腰曲下四絃一抹擁撥一聲如雷發妙絕入神再拜十分為我壽

袂立子仁樂天琵琶行曲終收撥一當心畫四絃一聲如裂帛世人只解錦纏頭厚唐開元中富人王无寶嘗會賓客明日親友問之曰昨來高會有

何高談元寶不答視屋良與汝作詩傳不朽

久日但費錦纏頭耳

續麗人行李仲諤家有周昉畫背面欠伸內人極精戲作此詩謝名畫記云周昉字

景玄官至宣州長史

深宮無火春日長況香亭北白花香續開元中禁中重牡丹得四本

東坡詩集卷三十一樂府

紅紫淺深通白者上植于典慶池東流香亭前會花
左繁開上與太真妃遊賞命李龜年持金花牋宣賜
翰林供奉李由進清平調詞三章其二三日名花傾國
兩相歡長得君王帶笑看解釋春風無限恨沉香亭
北倚闌干事見樂史李翰林文集序堯卿
唐明皇以外國貢沉香材而作沉香亭
美人睡起

薄梳洗燕舞鶯啼空斷腸次公孟郊詩鶯啼燕語春城裏
畫工欲畫

無窮意背立東風初破睡次公溫庭筠詩背立鞦韆下
若教回首

卻嫣然陽城下蔡俱風靡厚宋玉賦東家之子嫣然一笑惑陽城迷下蔡堯卿

陽城下蔡一縣各楚杜陵飢客眼長寒堯卿杜子美自謂衣不蓋

體常寄食於人奔走不暇常恐轉死溝壑寒驢破帽

可謂飢客矣又詩云秋山眼冷魂未歸隨金鞍隔花臨水時一見只許腰肢背後看厚杜甫

背後何所見珠心醉歸來茆屋底方信人間有西子

壓腰肢穩稱身

次公西子君不見孟光舉案與眉齊援梁鴻至吳為

字出孟子孟光為具食舉案齊眉何曾背面傷春啼

薄命佳人

雙頰凝酥髮抹漆眼光入簾珠的皪厚古詩的皪沈

詩集一本云為試經者故將白練作仙衣次公冷齋

作則眼光入簾是也天長壽二年詔書曰應天不許紅膏汗天質吳音嬌

軟帶兒癡無限閑愁摠不知自古佳人多命薄古樂

府有妾閉門春盡楊花落

於潛女

青裙縞袂於潛女兩足如霜不穿屨續李白詩屣一

足如霜下著鴟

頭瞻沙鬢髮絲穿枵次公退之月蝕詩赤鳥司南方尾秃翅瞻沙枵當作枵字書枵

同指字耳於絲穿之下無義枵說文日機蓬脊障前

走風雨老滯宮粧傳父祖厚老滯吳王滯也杜牧詩老滯即山鑄後庭干戰

眉此指吳越王錢氏也至今遺民悲故主茗溪楊柳初飛絮

溪畫眉渡溪去逢郎樵歸相媚嫵不信姬姜有齊魯

程齊女姜姓魯女姬姓古詩雖有姬姜無弃惟悴

薄薄酒二首 并引 膠西先生趙明叔家貧好飲不擇酒而醉常云薄

薄酒勝茶湯醜醜婦勝空房其言雖俚而近乎達

故推而廣之以補東州之樂府既又以爲采也復

自和一篇聊以發覽者之一喙云爾

薄薄酒勝茶湯醜醜婦勝空房厚陶潛

更待漏靴滿霜不如三伏日高睡足北窗涼厚陶潛

閒高臥北窗之下珠襦玉柙萬人祖送歸北邙次公漢哀帝

器珠襦玉柙賜董賢北邙山在河南偃師東北王公多葬其地不如懸鵝百結獨坐

負朝陽厚子夏衣若懸鵝董京衣百結宋國有田夫嘗衣粗贖自曝於日顧其妻曰負日之暄人

莫知欲獻生前富貴死後文章百年瞬息萬世忙夷

齊盜跖俱亡羊援莊子臧與穀相與牧羊而俱亡其羊問臧奚事則挾冊讀書問穀奚事

則博塞以遊二人者事業不同其於亡羊均也伯夷

死名於首陽之下盜跖死利於東陵之上二人所死

不同其於殘不如眼前一醉是非憂樂都兩忘

薄薄酒飲兩鐘麤麤布著兩重美惡雖異醉煖同醜

妻惡妾壽乃公次公前漢高帝紀幾敗乃公事隱居求志義之從本

不計較東華塵土北牕風次公東華門百官入百年朝所從出人之門也

雖長要有終富死未必輸生窮但恐珠玉留君容干

載不朽遭樊崇厚後漢赤眉賊帥樊崇陷長安發掘諸陵取其寶貨凡所發有玉柙殮者

率皆如生故赤文章自足欺盲聾誰使一朝富貴面

眉多得行淫穢發紅子功古樂府今日牛羊上達人自達酒何功子

自樂夫嘗世間是非憂樂本來空作酒功贊

大白辭并引

坡下頻年太旱禱於太白山輒應故作迎送神辭

下篇五章

雷闐闐山晝晦風振野神將駕載雲車從玉虬早既

甚歷往救道阻脩兮

旌旗翻疑有無日慘變神在塗飛赤篆訴闐闐走陰

符行羽檄萬靈集兮

風爲幄雲爲蓋滿堂爛神既至紛醉飽錫以雨百川

溢施溝渠歌且舞兮

騎裔裔車班班鼓簫悲神欲還轟振凱隱林谷執妖

鴈歸獻馘千里肅兮

神之來悵何晚山重複路幽遠神之去飄莫追德未

東坡詩集

樂府

報民之恩永萬祀兮

上清辭

君胡為乎山之幽顧宮殿兮久淹書又曷為一朝去
 此而不顧兮悲此空山之人也來不可得而知兮去
 固不可得而訊也君之來兮天門空從千騎兮駕飛
 龍隸辰皇兮役太歲儼書降兮雷隆隆朝發軔兮帝
 庭交弭節兮山宮曠有妖兮虛下土精為星兮氣為
 虹愛流血之滂沛兮又嗜瘡痍與頑蟲嘯育風而涕
 淫雨兮時又吐旱火之燭融銜帝命以下討兮建千
 仞之脩鋒乘飛霆而追逸景兮歛若掃滅而無蹤

崩播其來會兮走海嶽之神公龍車獸鬼不知其數
 兮旗纛掩靄而冥蒙漸俯偃以旅進兮鏘劍珮之相
 擊司殺生之必信兮知上帝之不汝容既約束以反
 職兮退戰慄而愈恭澤克塞於四海兮獨澹然其無
 功君之去兮天門開欵閭闔兮朝玉臺群仙迎兮塞
 雲漢儼前導兮紛後陪歷玉階兮帝迎勞君良苦兮
 馬脰頽閔人兮世兮迫隘陳下土兮帝所哀返瓊宮之
 嵯峨兮役萬靈之喧豗默清靜以無為兮時節狩於
 斗魁詰通明而獻黜陟兮軼蕩蕩其無回忽表裏之
 煥霍兮光下燭於九陔時遊目以下覽兮五嶽為豆

四溟爲杯，俯故宮之千柱。兮若毫端之集埃，來非以爲樂兮。去非以爲悲，謂神君之既返兮。曾顏咫尺之不遠，陞祕殿以內悸兮。鬼凜凜而上馳，忽寤寐以有得兮。敢沐浴而獻辭，是邪非邪。臣不可得而知也。

黃泥坂辭

出臨臯而東，驚兮並叢祠而北。轉走雪堂之坡陀兮，歷黃泥之長城。大江洶以左，繚兮渺雲濤之舒卷。草木層累而右，附兮蔚柯丘之葱蘢。余旦往而夕還兮，步徙倚而盤桓。雖信美不可居兮，苟娛余於一盼。余幼好此奇服兮，襲前人之詭幻。老更變而自晒兮，悟

驚俗之來患，釋寶輅而被繒絮兮。雜市人而無辨，路悠悠其莫往來兮。守一席而窮年時游步而遠覽兮，路窮盡而旋反。朝嬉黃泥之白雲兮，暮宿雪堂之青煙。喜魚鳥之莫余驚兮，幸樵蘇之我媿。初被酒以行歌兮，忽放杖而醉偃。草爲茵而塊爲枕兮，穆華堂之清讌。紛墜露之溼衣兮，升素月之團團。感父老之覺兮，恐牛羊之示踐。於是蹶然而起，起而歌曰。月明兮，星稀。迎余往兮，餞余歸。歲既晏兮，草木腓。歸來歸來兮，黃泥不可以久嬉。

清溪辭

大江南兮九華西汎秋浦兮亂清溪水渺渺兮山無
蹊路重複兮居者迷爛青紅兮粲高低松千里兮稻
千畦山無入兮雲朝挂藹濛濛兮滄淒淒嘯林谷兮
號水泥走鼉鼉兮下見鷺忽孤壘兮隱重堤杳冥茫
兮聞大雞鬱萬瓦兮鳥翼齊浮軒楹兮飛棋枰焉南
歸兮寒凋嘶弄秋水兮挹玻璃朝市合兮雜耄覲挾
簞瓢兮佩鋤犁鳥獸散兮相扶携隱驚雷兮驚長曉
望翠微兮古招提躋木杪兮翔雲梯若有人兮悵幽
榻石爲門兮雲爲閨塊虛堂兮法喜妻呼猿狙兮子
鹿麕我欲往兮奉杖藜獨長嘯兮謝阮嵇

上竹枝詞

自過鬼門關外天命同人鮓囊頭船北人墮淚南人
笑青嶂無梯問杜鵑

歸來引 送王子立歸筠州

歸去來兮世不汝求胡不歸洵北望之橫流兮渺西
顧之塵霏紛野馬之央驟兮幸余首之未斃出彭城
而南驚兮眷丘隴而增歎亂清淮而俯鑿兮驚昔容
之是非念東坡之遺老兮輕千里而歎余扉其雪堂
之清夜兮攬明月之餘輝憎雞黍之未熟兮歎空室
之蟬蛩我挽袖而莫留兮僕夫在門歌式微歸去來

兮路渺渺其何極將稅駕於何許兮北江之南南江
之北於此有入兮儼峩峩其豐碩孰居約而爾肥兮
非糠覈其何食久抱一而不試兮愈溫溫而自克吾
居世之荒浪兮視昏昏而聽默默非之子莫振吾過
兮久不見恐自賊吾欲往而道無由兮子何畏而不
卽將以彼爲玉人兮以子爲之珮也

醉翁操 并引

琅琊幽谷山木奇麗泉鳴空澗若中音會醉翁喜
之把酒臨聽輒欣然忘歸既去十餘年而好奇之
士沈遵聞之往游以琴寫其聲曰醉翁操節奏疎

宕而音指華暢知琴者以爲絕倫然有其聲而無
其辭翁雖爲作歌而與琴聲不合又依楚詞作醉
翁引好事者亦倚其詞以製曲雖粗合均度而琴
聲爲詞所繩約非天成也後三十餘年翁旣捐館
舍而遵亦沒久矣有廬山玉澗道人崔閑特妙於
琴恨此曲之無詞乃譜其聲而請於東坡居士以
補之云

琅然清園誰躡空山無言惟翁醉中知其天月明
風露娟娟人未眠荷蕢過山前曰有心也哉此賢醉
翁嘯○聲和流泉醉翁去後空有朝吟夜怨山有醉

而童顛水有時而回川思翁無歲年翁今為飛仙此
意在人間試聽徽外二兩絃

東坡先生詩集卷之三十二

木尾

蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二
蘇東坡先生詩集卷之三十二

海

